

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
VLADA**

Broj: 02-01-5360-1/14.  
Zenica, 19.03.2014. godine

**Z A P I S N I K**  
**sa 156. sjednice Vlade Zeničko-dobojskog kantona održane 19.03.2014. godine**

Sjednica je održana u sali 109, prvi sprat u zgradi Kantona, dana 19.03.2014. godine u trajanju od 13<sup>15</sup> do 15<sup>55</sup> sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Muhamed Husić, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu,
3. Romana Brkić, ministrica Ministarstva za pravosuđe i upravu,
4. Sabina Heljić, ministrica Ministarstva finansija, sjednici se priključila u 13<sup>30</sup> sati,
5. Ivica Ćurić, ministar Ministarstva za rad, socijalnu politiku i izbjeglice,
6. Mirko Trifunović, ministar Ministarstva za obrazovanje, nauku, kulturu i sport,
7. Senka Balorda, ministrica Ministarstva zdravstva,
8. Edin Terzić, ministar Ministarstva za prostorno uređenje, promet i komunikacije i zaštitu okoline,
9. Nedžad Lokmić, ministar Ministarstva za boračka pitanja,
10. Rifat Delić, ministar Ministarstva unutrašnjih poslova,

kao i:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Ivica Mandura, savjetnik Premijera,
4. Jasna Ahmetpahić, viši stručni saradnik za poslove informisanja u Uredu Premijera,
5. Azra Smailbegović-Đ., zapisničar.

U svojstvu izvjestioca, sjednici su prisustvovali:

- Nurudin Smajlagić, direktor Agencije za privatizaciju,
- Sirija Aganović, Univerzitet u Zenici, šef Odjeljenja za finansije.

Premijer je stavio na diskusiju predloženi

### **DNEVNI RED :**

1. Zapisnik sa 152. sjednice Vlade Zeničko-dobojskog kantona, održane 05.03.2014. godine;
2. Izvještaj o radu i poslovanju, toku i rezultatima procesa privatizacije Agencije za privatizaciju Zeničko-dobojskog kantona, sa prijedlogom Zaključka o prihvatanju;  
**Izvjestilac za tačku 2:** Nurudin Smajlagić, direktor
3. Informacija o stanju bezbjednosti na području Zeničko-dobojskog kantona za 2013. godinu, sa Prijedlogom Zaključka o prihvatanju;  
**Izvjestilac:** Rifat Delić, ministar
4. Izvještaj o radu JU "Penzionerski dom sa stacionarom" Zeničko-dobojskog kantona za 2013. godinu, sa Prijedlogom Zaključka o primanju na znanje;
5. Mišljenje o inicijativi zastupnika u Predstavničkom domu Parlamentarne Skupštine BiH Šepić Senada, u vezi utvrđivanja jednakih osnovica za porodijsku naknadu na svim nivoima BiH, sa prijedlogom Zaključka o prihvatanju;
6. Izvještaj o namjenskoj potrošnji sredstava, odnosno izvršenju budžeta u Ministarstvu za rad, socijalnu politiku i izbjeglice za 2013. godinu, sa Prijedlogom Zaključka o usvajanju;
7. Prijedlog Zaključka o odobravanju sredstava Centru za socijalni rad Žepče na ime pomoći za rješavanje stambene problematike i trajnog zbrinjavanja šestočlane porodice Zehre Šišić;  
**Izvjestilac:** Ivica Ćurić, ministar
8. Prijedlog Odluke o načinu raspodjele sredstava pristiglih iz Fonda za zaštitu okoliša Federacije Bosne i Hercegovine;  
**Izvjestilac:** Edin Terzić, ministar
9. Prijedlog Rješenja o razrješenju i konačnom imenovanju člana Školskog odbora Ekonomske škole Zenica;  
**Izvjestilac:** Mirko Trifunović, ministar
10. Program utroška sredstava, u razdjelu 22, budžetska organizacija 04, potrošačka jedinica 0010 Univerzitet u Zenici, ekonomski kod 821200, pozicija „Nabavka građevina“, Budžeta Zeničko-dobojskog kantona za 2014. godinu;  
**Izvjestilac:** Dževad Zečić, rektor
11. Izvještaj o radu Vlade Zeničko-dobojskog kantona za 2013. godinu;  
**Izvjestilac:** Berjana Ačkar, sekretar Vlade
12. Program mjera štednje Vlade Zeničko-dobojskog kantona za 2014. godinu;  
**Izvjestilac:** Munib Husejnagić, premijer
13. Prijedlog Zaključka o davanju saglasnosti Ministarstvu za boračka pitanja Zeničko-dobojskog kantona za zaključenje Aneksa na Ugovor o održavanju aplikativnog softvera Integralnog informacionog sistema boračko-invalidske zaštite za područje Zeničko-dobojskog kantona sa preduzećem "PC MAGIC SOFT" Tuzla;  
**Izvjestilac:** Nedžad Lokmić, ministar
14. Upoznavanje članova Vlade sa aktima:
  - Informacija o oštećenju vozila na dan 07.02.2014. godine Službe za zajedničke poslove broj: 14-05-22-12/14 od 05.03.2014. godine;
  - Informacija o PIMIS aplikaciji – informativni sistem za upravljanje javnim investicijama.

Ministar Ministarstva za prostorno uređenje, promet i komunikacije i zaštitu okoline predložio je da se sa dnevnog reda povuče tačka pod rednim brojem 8: Prijedlog Odluke o načinu raspodjele sredstava pristiglih iz Fonda za zaštitu okoliša Federacije Bosne i Hercegovine.

Predložene su slijedeće dopune dnevnog reda:

1. Prijedlog Odluke o odobravanju uplate osnovnog kapitala privrednog društva „Velepromet-maloprodaja“ d.o.o. Visoko;  
Predlagač: Muhamed Husić, ministar
2. Prijedlog Odluke o odobravanju sredstava za refundaciju troškova finansiranja nabavke opreme u Kantonalnoj bolnici Zenica;  
Predlagač: Senka Balorda, ministrica
3. Upoznavanje:
  - Akt Skupštine Zeničko-dobojskog kantona, broj: 01/02-01-2983-13/14 od 17.03.2014. godine, kojim su dostavljeni Novi zahtjevi Plenuma građana Zeničko-dobojskog kantona tzv. “socijalne grupe”,
  - Molba za donaciju i sponzorstvo Sportskih susreta kliničkih centara i bolnica, od 06.03.2014. godine,
  - pismo preduzeća “rmk promet” Zenica u vezi saniranja šteta na zgradi nastalih 07.02.2014. godine;
  - pismo gosp. Žilić u vezi sa potencijalnim investicijama u ZDK;
  - Akt Federalne uprave za inspeksijske poslove kojim se na nadležno postupanje vraća pismo taksi-udruženja iz općina ZDK;
  - pismo UG za borbu protiv šećerne bolesti u vezi problematike u nabavci trakica za mjerenje šećera, poteškoćama u radu, isl.Predlagač: Premijer Zeničko-dobojskog kantona.

Članovi Vlade su se saglasili sa predloženom izmjenom i dopunama dnevnog reda te je za sjednicu jednoglasno usvojen sljedeći:

### **DNEVNI RED:**

1. Zapisnik sa 152. sjednice Vlade Zeničko-dobojskog kantona, održane 05.03.2014. godine;
2. Izvještaj o radu i poslovanju, toku i rezultatima procesa privatizacije Agencije za privatizaciju Zeničko-dobojskog kantona, sa prijedlogom Zaključka o prihvatanju;
3. Informacija o stanju bezbjednosti na području Zeničko-dobojskog kantona za 2013. godinu, sa Prijedlogom Zaključka o prihvatanju;
4. Izvještaj o radu JU “Penzionerski dom sa stacionarom” Zeničko-dobojskog kantona za 2013. godinu, sa Prijedlogom Zaključka o primanju na znanje;
5. Mišljenje o inicijativi zastupnika u Predstavničkom domu Parlamentarne Skupštine BiH Šepić Senada, u vezi utvrđivanja jednakih osnovica za porodiljsku naknadu na svim nivoima BiH, sa prijedlogom Zaključka o prihvatanju;
6. Izvještaj o namjenskoj potrošnji sredstava, odnosno izvršenju budžeta u Ministarstvu za rad, socijalnu politiku i izbjeglice za 2013. godinu, sa Prijedlogom Zaključka o usvajanju;
7. Prijedlog Zaključka o odobravanju sredstava Centru za socijalni rad Žepče na ime pomoći za rješavanje stambene problematike i trajnog zbrinjavanja šestočlane porodice Zehre Šišić;
8. Prijedlog Rješenja o razrješenju i konačnom imenovanju člana Školskog odbora Ekonomske škole Zenica;

9. Program utroška sredstava, u razdjelu 22, budžetska organizacija 04, potrošačka jedinica 0010 Univerzitet u Zenici, ekonomski kod 821200, pozicija „Nabavka građevina“, Budžeta Zeničko-dobojskog kantona za 2014. godinu;
10. Izvještaj o radu Vlade Zeničko-dobojskog kantona za 2013. godinu;
11. Program mjera štednje Vlade Zeničko-dobojskog kantona za 2014. godinu;
12. Prijedlog Zaključka o davanju saglasnosti Ministarstvu za boračka pitanja Zeničko-dobojskog kantona za zaključenje Aneksa na Ugovor o održavanju aplikativnog softvera Integralnog informacionog sistema boačko-invalidske zaštite za područje Zeničko-dobojskog kantona sa preduzećem “PC MAGIC SOFT” Tuzla;
13. Prijedlog Odluke o odobravanju uplate osnovnog kapitala privrednog društva „Velepromet-maloprodaja“ d.o.o. Visoko;
14. Prijedlog Odluke o odobravanju sredstava za refundaciju troškova finansiranja nabavke opreme u Kantonalnoj bolnici Zenica;
15. Upoznavanje članova Vlade sa aktima:
  - Informacija o oštećenju vozila na dan 07.02.2014. godine Službe za zajedničke poslove broj: 14-05-22-12/14 od 05.03.2014. godine;
  - Informacija o PIMIS aplikaciji – informativni sistem za upravljanje javnim investicijama;
  - Akt Skupštine Zeničko-dobojskog kantona, broj: 01/02-01-2983-13/14 od 17.03.2014. godine, kojim su dostavljeni Novi zahtjevi Plenuma građana Zeničko-dobojskog kantona tzv. “socijalne grupe”,
  - Molba za donaciju i sponzorstvo Sportskih susreta kliničkih centara i bolnica, od 06.03.2014. godine,
  - pismo preduzeća “rmk promet” Zenica u vezi saniranja šteta na zgradi nastalih 07.02.2014. godine;
  - pismo gosp.Žilić u vezi sa potencijalnim investicijama u ZDK;
  - Akt Federalne uprave za inspeksijske poslove kojim se na nadležno postupanje vraća pismo taksi-udruženja iz općina ZDK;
  - pismo UG za borbu protiv šećerne bolesti u vezi problematike u nabavci trakica za mjerenje šećera, poteškoćama u radu, isl.

### **Prva tačka dnevnog reda**

Vlada je jednoglasno usvojila Zapisnik sa 152. sjednice Vlade Zeničko-dobojskog kantona, održane 05.03.2014. godine.

### **Druga tačka dnevnog reda**

Obrazloženje za ovu tačku dnevnog reda dao je Nurudin Smajlagić, direktor Agencije za privatizaciju ZDK.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se prihvata Izvještaj o radu i poslovanju, toku i rezultatima procesa privatizacije Agencije za privatizaciju Zeničko-dobojskog kantona za 2013. godinu.

Izvještaj iz tačke I. sastavni je dio ovog Zaključka.

Zaključak stupa na snagu danom donošenja.

### **Treća tačka dnevnog reda**

Obrazloženje za ovu tačku dnevnog reda dao je ministar Ministarstva unutrašnjih poslova.

U diskusiji su učestvovali: Premijer Zeničko-dobojskog kantona, ministar Ministarstva za obrazovanje, nauku, kulturu i sport, ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim se prihvata Informacija o stanju bezbjednosti na području Kantona za 2013. godinu.

Informacija iz tačke I ovog Zaključka upućuje se u dalju skupštinsku proceduru.

Zaključak stupa na snagu danom donošenja.

### **Četvrta tačka dnevnog reda**

Obrazloženje za ovu tačku dnevnog reda dao je ministar Ministarstva za rad, socijalnu politiku i izbjeglice.

U diskusiji su učestvovali: Premijer Zeničko-dobojskog kantona, ministar Ministarstva za obrazovanje, nauku, kulturu i sport, ministrica Ministarstva zdravstva.

Vlada je jednoglasno donijela Zaključak kojim se prima na znanje Izvještaj o radu JU „Penzionerski dom sa stacionarom“ Zeničko-dobojskog kantona za 2013. godinu.

Izvještaj iz tačke I ovog zaključka upućuje se u dalju skupštinsku proceduru.

Ovaj zaključak stupa na snagu danom donošenja.

### **Peta tačka dnevnog reda**

Obrazloženje za ovu tačku dnevnog reda dao je ministar Ministarstva za rad, socijalnu politiku i izbjeglice.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se prihvata Mišljenje Ministarstva za rad, socijalnu politiku i izbjeglice o Poslaničkom pitanju Šepić Senada, poslanika u Predstavničkom domu Parlamentarne skupštine Bosne i Hercegovine, koje se odnosi na usaglašavanje propisa na svim nivoima BiH u cilju utvrđivanja jednakih osnovica za porodijsku naknadu tokom trajanja porodijskog odsustva.

Stav Vlade Zeničko-dobojskog kantona iz tačke I ovog zaključka upućuje se Predstavničkom domu Parlamentarne skupštine Bosne i Hercegovine.

Zaključak stupa na snagu danom donošenja.

### **Šesta tačka dnevnog reda**

Obrazloženje za ovu tačku dnevnog reda dao je ministar Ministarstva za rad, socijalnu politiku i izbjeglice.

U diskusiji su učestvovali: Premijer Zeničko-dobojskog kantona, ministar Ministarstva za obrazovanje, nauku, kulturu i sport, Sekretar Vlade.

Vlada je jednoglasno donijela Zaključak kojim se usvaja Izvještaj o namjenskoj potrošnji sredstava, odnosno izvršenju budžeta u Ministarstvu za rad, socijalnu politiku i izbjeglice za 2013. godinu.

### **Sedma tačka dnevnog reda**

Obrazloženje za ovu tačku dnevnog reda dao je ministar Ministarstva za rad, socijalnu politiku i izbjeglice.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se dobavaju sredstva JU Centar za socijalni rad Žepče u iznosu od 8.000,00 KM (slovima: osamhiljada konvertibilnih maraka), kao pomoć za rješavanje stambene problematike i trajnog zbrinjavanja šestočlane porodice samohrane majke Zehre Šišić.

(1) Sredstva iz tačke I. ovog zaključka isplatiće se iz Budžeta Zeničko-dobojskog kantona za 2014. godinu („Službene novine Zeničko-dobojskog kantona”, broj: 15/13) razdjel 20, organizacija 01, potrošačka jedinica 0001, ekonomski kod 614200, KAD 207, pozicija «Ostali socijalni transferi».

(2) Sredstva će biti uplaćena na žiro račun Općine Žepče broj: 3380002210835421 otvoren kod UniCredit Bank Žepče.

Zadužuje se JU Centar za socijalni rad Žepče da Ministarstvu za rad, socijalnu politiku i izbjeglice podnese izvještaj o namjenskom utrošku sredstava iz tačke I. ovog zaključka.

Zadužuju se Ministarstvo za rad, socijalnu politiku i izbjeglice, Ministarstvo finansija i JU Centar za socijalni rad Žepče da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

Zaključak stupa na snagu danom donošenja.

### **Osma tačka dnevnog reda**

Obrazloženje za ovu tačku dnevnog reda dao je ministar Ministarstva za obrazovanje, nauku, kulturu i sport.

Diskutovala je ministrica Ministarstva finansija.

Vlada je jednoglasno donijela Rješenje kojim se razrješava članstva u Školskom odboru Ekonomske škole Zenica:

- Fetić Muhamed – član, iz reda nastavnika stručnih saradnika i osoblja škole.

U Školski odbor Ekonomske škole Zenica, na period do isteka mandata Školskog odbora, imenuje se:

- Čančar Emsa – član, iz reda nastavnika stručnih saradnika i osoblja škole.

Rješenje stupa na snagu danom donošenja i objavit će se u „Službenim novinama Zeničko – dobojskog kantona“.

### **Deveta tačka dnevnog reda**

Obrazloženje za ovu tačku dnevnog reda dao je Sirija Aganović, šef Odjeljenja za finansije Univerziteta u Zenici.

Diskutovao je ministar Ministarstva za obrazovanje, nauku, kulturu i sport.

Vlada je jednoglasno donijela Zaključak kojim se usvaja Program utroška sredstava, u razdjelu 22, budžetska organizacija 04, potrošačka jedinica 0010 – Univerzitet u Zenici, ekonomski kod 821200, pozicija „Nabavka građevina“, Budžeta Zeničko-dobojskog kantona za 2014. godinu,

u iznosu od 1.192.500,00 KM (slovima: milionisto-devedestdvijehiljadepetstotina konvertibilnih maraka), koji čini sastavni dio ovog zaključka.

Za realizaciju ovog zaključka zadužuju se Univerzitet u Zenici, Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Zaključak stupa na snagu danom donošenja.

### **10. tačka dnevnog reda**

Obrazloženje za ovu tačku dnevnog reda dala je Sekretar Vlade.

Diskutovao je Premijer Zeničko-dobojskog kantona.

Vlada je jednoglasno donijela Zaključak kojim se utvrđuje Izvještaj o radu Vlade Zeničko-dobojskog kantona za 2013. godinu.

Izvještaj iz tačke I. ovog zaključka upućuje se u dalju skupštinsku proceduru.

Zaključak stupa na snagu danom donošenja.

### **11. tačka dnevnog reda**

Obrazloženje za ovu tačku dnevnog reda dali su Premijer Zeničko-dobojskog kantona i Savjetnik Premijera.

U diskusiji su učestvovali: ministar Ministarstva unutrašnjih poslova, ministar Ministarstva za rad, socijalnu politiku i izbjeglice, ministar Ministarstva za obrazovanje, nauku, kulturu i sport, ministar Ministarstva za prostorno uređenje, promet i komunikacije i zaštitu okoline, ministrica Ministarstva za pravosuđe i upravu, ministar Ministarstva za poljoprivredu, šumarstvo i vodoprivredu, ministar Ministarstva za boračka pitanja, ministrica Ministarstva finansija, Sekretar Sekretarijata za zakonodavstvo, Sekretar Vlade.

Vlada je jednoglasno donijela Zaključak kojim se usvaja Program mjera štednje Vlade Zeničko-dobojskog kantona za 2014. godinu i čini sastavni dio ovog zaključka.

Obavezuju se ministarstva i druga tijela kantonalne uprave, organi, ustanove i organizacije koje se u cjelosti ili djelimično finansiraju iz Budžeta Zeničko-dobojskog kantona da u cjelosti provode Program iz tačke I ovog zaključka.

Obavezuju se rukovoditelji iz prethodnog stava da o primjeni Programa informišu Vladu Zeničko-dobojskog kantona dva puta godišnje.

Zaključak stupa na snagu danom donošenja.

Pored ovoga, Vlada je takođe jednoglasno donijela i slijedeće:

#### **11a) Odluku o korištenja službenih vozila**

##### **Član 1**

Pravo korištenja službenih vozila u funkciji izvršavanja poslova i zadataka iz djelokruga ministarstva i Vlade Kantona i za potrebe prevoza na posao i s posla imaju:

- Premijer Zeničko-dobojskog kantona,
- Ministri u Vladi Zeničko-dobojskog kantona,
- Predsjedavajući Skupštine.

na način i pod uslovima definisanim zakonom i podzakonskim aktima kojima se reguliše način korištenja službenih vozila.

Izričito se zabranjuje korištenje službenih vozila u private svrhe.

#### Član 2.

U skladu sa članom 1. ove Odluke, Služba za zajedničke poslove će razdužiti vozila od osoba koje su do donošenja iste imali pravo na korištenje službenog vozila, za potrebe prevoza na posao i s posla.

#### Član 3.

Stupanjem na snagu ove Odluke, stavlja se van snage zaključci Vlade Zeničko-dobojskog kantona broj 02-14-15941/10 od 27.04.2010. godine, 02-27-21281/10 od 21.07.2010. godine i 02-34-7697/11 od 17.03.2011. godine.

#### Član 4.

Odluka stupa na snagu danom donošenja i objavit će se u “Službenim novinama Zeničko-dobojskog kantona”.

### **11b) Odluka o utvrđivanju visine osnovne plaće za rukovodioce u ustanovama i organima gdje je Vlada ili ministarstvo odgovorni javni službenik ili upravlja državnim kapitalom**

#### Član 1.

Vlada Zeničko-dobojskog kantona utvrđuje visinu osnovne plaća rukovoditelja u svim organima, ustanovama gdje je Vlada odgovorni javni službenik ili upravlja kapitalom u državnoj svojini (javna preduzeća), odnosno svim ostalim ustanovama i organima kojima se iz Budžeta kantona putem transfera, grantova i ugovora vrši uplata sredstava, u maksimalnom iznosu do najviše 3 (tri) prosječne mjesečne isplaćene neto plaće Zeničko-dobojskog kantona, prema podacima Federalnog zavoda za statistiku za posljednju godinu.

Ukupna dodatna primanja po svim osnovama (izuzev minulog rada) ne mogu preći iznos od 1 (jedne) prosječne mjesečne isplaćene neto plaće Kantona, čime se osigurava provođenje jedinstvene politike plaća na nivou ministarstava i organa uprave u Kantonu.

#### Član 2.

Nalaže se predsjednicima Upravnih i Nadzornih odbora imenovanih od strane Vlade Zeničko-dobojskog kantona u ustanovama i organima gdje je Vlada ili ministarstvo odgovorni javni službenik, ili upravlja državnim kapitalom da u roku od 30 dana od dana prijema ove Odluke, u skladu sa svojim ovlaštenjima izvrše izmjenu akata i usklađivanje plaća rukovodilaca u skladu sa članom I. ove Odluke, te o tome izvijeste resorno ministarstvo.

#### Član 3.

Vlada Zeničko-dobojskog kantona sugeriše općinskim načelnicima i općinskim vijećima sa područja Zeničko-dobojskog kantona da na istim principima regulišu visinu osnovne plaće za rukovodioce u organima u kojima vrše funkciju odgovornog javnog službenika.

#### Član 4.

Zadužuju se resorna ministarstva da u okviru svojih nadležnosti Stručnoj službi Vlade dostave izvještaj o realizaciji ove Odluke.

#### Član 5.

Stupanjem na snagu ove Odluke, stavlja se van snage zaključak Vlade Zeničko-dobojskog kantona o utvrđivanju visine osnovne plaće za rukovodioce u ustanovama i organima gdje je Vlada ili ministarstvo odgovorni javni službenik ili upravlja državnim kapitalom broj: 02-14-19421/11 od 03.06.2011. godine.

#### Član 6.

Odluka stupa na snagu danom donošenja i objavit će se u “Službenim novinama Zeničko-dobojskog kantona”

### **11c) Zaključak o uslovima korištenja i načinu plaćanja službenih mobilnih telefona**

#### I.

Pravo korištenja službenih mobilnih telefona uz naknadu troškova upotrebe ima:

- Premijer Zeničko-dobojskog kantona;



- Ministar u Vladi Zeničko-dobojskog kantona;
- Sekretar Vlade Zeničko-dobojskog kantona;
- Sekretar Skupštine Zeničko-dobojskog kantona;
- Sekretar Sekretarijata za zakonodavstvo;
- Sekretar „Biznis servis centra“;
- Direktor službe za zajedničke poslove;
- Direktor kantonalne uprave za inspekcijske poslove;
- Direktor Kantonalnog zavoda za pravnu pomoć;
- Direktor Kantonalne direkcije za robne rezerve;
- Direktor Pedagoškog zavoda;
- Direktor Kantonalne uprave civilne zaštite;
- Direktor Kantonalne uprave za šumarstvo;
- Direktor Veterinarskog zavoda;
- Kantonalni pravobranilac;
- Načelnik Kantonalnog štaba civilne zaštite;
- Šef Ureda Premijera Zeničko-dobojskog kantona;
- Šef protokola Skupštine;
- Savjetnik Premijera Zeničko-dobojskog kantona;
- Savjetnik Predsjedavajućeg Skupštine;
- Komesar;
- službenici Ministarstva unutarnjih/unutrašnjih poslova, po prijedlogu, odnosno odluci ministra;
- vozač Premijera Zeničko-dobojskog kantona i vozač Predsjedavajućeg Skupštine Zeničko-dobojskog kantona.

## II.

Troškovi upotrebe službenog mobilnog telefona Premijera Zeničko-dobojskog kantona ograničavaju se na 150,00 KM mjesečno.

## III.

Troškovi upotrebe službenog mobilnog telefona Ministra u Vladi Zeničko-dobojskog kantona ograničavaju se na 100,00 KM mjesečno.

## IV.

Troškovi upotrebe službenog mobilnog telefona ograničavaju se na 50,00 KM mjesečno za:

- Sekretara Skupštine Zeničko-dobojskog kantona;
- Sekretara Vlade Zeničko-dobojskog kantona;
- Sekretara Sekretarijata za zakonodavstvo;
- Sekretara „Biznis servis centra“;
- Šefa Ureda Premijera Zeničko-dobojskog kantona;
- Šefa protokola Skupštine;
- Direktora Službe za zajedničke poslove;
- Direktora Kantonalne uprave za inspekcijske poslove;
- Direktora Kantonalnog zavoda za pravnu pomoć;
- Direktora Kantonalne direkcije za robne rezerve;
- Direktora Pedagoškog zavoda;
- Direktora Kantonalne uprave civilne zaštite;
- Direktora Kantonalne uprave za šumarstvo;
- Direktora Veterinarskog zavoda;
- Kantonalnog pravobranioca;
- Policijskog komesara;
- Savjetnika premijera Zeničko-dobojski kantona i
- Savjetnik Predsjedavajućeg Skupštine.

V.

Troškovi upotrebe službenog mobilnog telefona ograničavaju se na 50,00 KM mjesečno za:

- tri rukovodeća službenika Ministarstva unutarnjih/unutrašnjih poslova po prijedlogu ministra;
- Načelnik Kantonalnog štaba civilne zaštite.

VI.

Troškovi upotrebe službenog mobilnog telefona ograničavaju se ukupno na iznos do 1000,00 KM mjesečno za:

- službenike Ministarstva unutrašnjih poslova, po odluci ministra.

VII.

Troškovi upotrebe službenog mobilnog telefona ograničava se na 20,00 KM mjesečno za:

- Vozača Premijera Zeničko-dobojskog kantona;
- Vozača Predsjedavajućeg Skupštine.

VIII.

Plaćanje troškova upotrebe službenog mobilnog telefona iz tačke II, III, IV, V, VI, i VII ovog zaključka, vršit će se na osnovu ispostavljenih računa o stvarno nastalom trošku, koji će korisnici mobilnih telefona, navedenih u istim tačkama, dostaviti u Ministarstvo finansija mjesečno po prijemu istih, odnosno po ispostavljenim računima BH Telecom Zenica TopTim usluge.

U troškove upotrebe mobilnih telefona uključuju se i mjesečne rate za mobilne aparate.

IX.

Za realizaciju ovog zaključka zadužuje se Ministarstvo finansija Zeničko-dobojskog kantona i Služba za zajedničke poslove.

X.

Zaključak stupa na snagu danom donošenja.

**11d) Zaključak kojim se utvrđuje Inicijativa za donošenje Zakona o izmjeni Zakona o plaći i primanjima predsjedatelja i poslanika („Službene novine Zeničko-dobojskog kantona“, broj: 8/05 i 7/08 ).**

Inicijativa iz točke I. upućuje se u daljnu skupštinsku proceduru.

Zaključak stupa na snagu danom donošenja.

**11e) Zaključak** kojim se zadužuju svi rukovoditelji organa uprave, ustanova i organizacija koje se u cjelosti ili djelomično finansiraju iz Budžeta Kantona, kao osobe odgovorne za utvrđivanje prava na naknadu za prevoz na posao i s posla, dužni su:

- analizirati i izvršiti reviziju podnešenih zahtjeva, odnosno donesenih rješenja za ovaj vid naknade
- u postupku priznavanja prava uposlenika na prijevoz obavezno koristiti daljinar (koji je objavljen na web-strani Zeničko-dobojskog kantona) i istog se dosljedno pridržavati,
- kao relaciju smatrati udaljenost od početne do određene stanice,
- uskratiti prava za sve one kod kojih se utvrdi da ovo pravo ostvaruju bez osnova.

Vlada Zeničko-dobojskog kantona formirat će komisiju čiji će zadatak biti da kontroliše način priznavanja i korištenja prava na prijevoz, i o tome informiše Vladu Zeničko-dobojskog kantona.

Zaključak stupa na snagu danom donošenja.

## **12. tačka dnevnog reda**

Obrazloženje za ovu tačku dnevnog reda dao je ministar Ministarstva za boračka pitanja.

U diskusiji su učestvovali: Premijer Zeničko-dobojskog kantona, ministar Ministarstva za prostorno uređenje, promet i komunikacije i zaštitu okoline, ministrica Ministarstva finansija.

Vlada je jednoglasno donijela Zaključak kojim se daje saglasnost Ministarstvu za boračka pitanja Zeničko-dobojskog kantona za zaključenje aneksa na Ugovor o održavanju aplikativnog softvera Integralnog informacionog sistema boračko-invalidske zaštite (IIS BIZ) za područje Zeničko-dobojskog kantona sa firmom d.o.o. "PC MAGICSOFT" Tuzla broj: 13-41-21619-1/06, od 30.03.2006. godine.

Aneksom iz člana I. ovog zaključka izvršit će se izmjena odredbe u dijelu ugovora koji se odnosi na cijenu usluga mjesečnog održavanja aplikativnog softvera Integralnog informacionog sistema boračko-invalidske zaštite (IIS BIZ) za područje Zeničko-dobojskog kantona, utvrđenu osnovnim ugovorom, počevši od 01.01.2014. godine, a u cilju udovoljenja zahtjevu davaoca usluga za usklađivanjem cijene usluga kao i troškova održavanja.

Za zaključenje aneksa ugovora u ime Vlade Zeničko-dobojskog kantona ovlašćuje se ministar Ministarstva za boračka pitanja.

Za realizaciju ovog zaključka zadužuje se Ministarstvo za boračka pitanja.

Zaključak stupa na snagu danom donošenja.

## **13. tačka dnevnog reda**

Obrazloženje za ovu tačku dnevnog reda dao je ministar Ministarstva za privredu.

Vlada je jednoglasno donijela Odluku kojim se odobrava uplata osnovnog kapitala privrednog društva „Velepromet-maloprodaja“ d.o.o. Visoko, Branilaca br. 19. Visoko, u iznosu od 2.000,00 KM (slovima: dvijehiljade konvertibilnih maraka).

(2) Odobrava se uplata i ostalih troškova vezanih za postupak promjene oblika društva i upisa promjena u sudski registar.

Odobrena sredstva iz člana 1. stav (1) ove odluke isplatit će se iz Budžeta Zeničko-dobojskog kantona za 2014. godinu, razdjel 18, budžetska organizacija 01, potrošačka jedinica 0001, ekonomski kod 614 500, pozicija „Subvencije privatnim preduzećima i poduzetnicima“, na namjenski depozitni račun Investiciono-komercijalne banke d.d. Zenica broj: 134010000000120 poziv na broj 5329110.

Zadužuju se Ministarstvo za privredu i Ministarstvo finansija da, u skladu sa zakonom i podzakonskim aktima, realizuju ovu odluku svako u okviru svojih nadležnosti.

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

#### **14. tačka dnevnog reda**

Obrazloženje za ovu tačku dnevnog reda dala je ministrica Ministarstva zdravstva. Diskutovao je Premijer Zeničko-dobojskog kantona.

Vlada je jednoglasno donijela Odluka kojim se odobravaju sredstva JU Kantonalna bolnica Zenica u ukupnom iznosu od 498.128,28 KM (slovima: četiristotinedevedesetosamhiljadastodvadesetosam i 28/100 konvertibilnih maraka) za refundaciju troškova finansiranja nabavljene opreme od firme "Siemens"d.o.o. Sarajevo po ranije zaključenim ugovorima i to:

1. Ugovor o prodaji i instalaciji sistema Magnetom Avanto Tim 1,5T i sistema CT Somatom Definition AS40 kao i sufinansiranju troškova pripreme prostora za smještaj opreme broj: 20/1-1296 od 19.03.2009. godine
2. Aneks I Ugovora o prodaji i instalaciji sistema Magnetom Avanto Tim 1,5T i sistema CT Somatom Definition AS40 kao i sufinansiranju troškova pripreme prostora za smještaj opreme broj: 20/1-5639 od 19.11.2009. godine ( Projekat informatizacije Službe za radiloiju PACS/RIS)
3. Ugovor o nabavci medicinske opreme (nabavka teledirigovanog RTG sistema za digitaliziranu radiografiju i digitalnu fluoroskopiju SIEMENS AXIOM Iconos MD)broj: 20/1-4004 od 26.07.2010. godine
4. Ugovor o izmještanju i nadogradnji CT uređaja SIEMENS za potrebe Službe za radiologiju broj: 20/1-3624 od 22.06.2011. godine

Refundacija troškova finansiranja vrši se u iznosima kako slijedi:

Po Ugovoru pod rednim brojem 1. (3 rate po 98.577,42 KM)	295.732,26 KM
Po Ugovoru pod rednim brojem 2. (3 rate po 13.629,74 KM)	40.889,22 KM
Po Ugovoru pod rednim brojem 3. (5 rata po 11.686,35 KM)	58.431,75KM
Po Ugovoru pod rednim brojem 4. (5 rata po 20.615,01 KM)	103.075,05 KM
<b>UKUPNO</b>	<b>498.128,28 KM</b>

#### Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2014. godinu ("Službene novine Zeničko-dobojskog kantona", broj: 15/13) sa razdjela 21- Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija "Kapitalni transferi drugim nivoima vlasti-za zdravstvo".

#### Član 3.

(Provođenje Odluke)

Za provođenje ove odluke zadužuju se Ministarstvo zdravstva i Ministarstvo finansija, svako u okviru svoje nadležnosti.

#### Član 4.

(Izvještavanje)

JU Kantonalna bolnica Zenica dužna je izvjestiti Ministarstvo zdravstva o namjenskom utrošku sredstava.

#### Član 5.

(Stupanje na snagu)

Odluka stupa na snagu danom donošenja i bit će objavljena u «Službenim novinama Zeničko-dobojskog kantona».

### **15. tačka dnevnog reda**

Dostavom materijala pod ovom tačkom dnevnog reda članovi Vlade su se upoznali sa istim, a o materijalima koji su kao dopuna predloženi na samoj sjedinici članove Vlade usmeno je informisao Premijer Zeničko-dobojskog kantona.

U diskusiji su učestvovali: Premijer Zeničko-dobojskog kantona, ministar Ministarstva za prostorno uređenje, promet i komunikacije i zaštitu okoline, ministrica Ministarstva finansija, ministrica Ministarstva zdravstva.

Premijer je zaključio sjednicu u 13<sup>15</sup> sati.

**SEKRETAR VLADE**

*Berjana Ačkar*

**PREMIJER**

*Munib Husejnagić, dipl.ing.maš.*

**ZAPISNIČAR**

*Azra Smailbegović-Đ.*